



OCTOBER 2023 Samoan

DOH 820-244

## Puipui oe mai aafiaga Umi o le COVID: Fai Tui puipui.



**E iai le manatu o le au su'esu'e pe tusa ma le miliona tagata sa maua i aafiaga Umi o le COVID.**



**O soo se tasi e maua i le COVID e mafai ona maua i aafiaga Umi o le COVID.**



**Ua fa'amauina i su'esu'ega o i latou e le'i faia tui puipui e tetee atu ai i le COVID-19 e ono sili ona aafia i aafiaga Umi o le COVID na i lo isi tagata. e tetee atu ai i le COVID-19 e ono sili ona aafia i aafiaga Umi o le COVID na i lo isi tagata.**

O aafiaga Umi o le COVID, poo Post-COVID Conditions (PCC, Tulaga Fa'aumiumi o le COVID), ua fa'amatalaina i soo se fa'aailoga vaaia, āuga, poo tulaga e fa'aauau pe fa'atuputupula'ia pea ina ua aafia ai i le COVID-19. [O āuga](#) e mafai ona aafia ai i le tele o vaiaso, masina poo tausaga ma e iai lagona lelavā, puaoa le mafaufau, tale, fa'aletonu le mānava pe tau le mafai ona mānava, tigā o le tino, le manogi se mea pe ua leai se fiaai, fiva, faigata ona moe, fesuisuia'i fa'alagona ma isi fa'afitauli uma o le fa'ama'i.

O soo se tasi sa aafia i le COVID-19 tusa poo le a le matua e mafai ona maua i aafiaga Umi o le COVID. E tele ina maua ai tagata e le'i faia ni tui puipui, ma tagata e tugā o latou aafiaga o le COVID-19. O i latou e tele taimi e maua ai i le COVID-19 ma e iai foi aafiaga tugā o le soifua maloloina e aafia ai aafiaga Umi o le COVID.

E mafai ona e fa'aitiitia ou aafiaga Umi o le COVID e ala i le fa'afouina o ou tui puipui o le COVID-19. E fautuaina le faia o tui puipui o le COVID-19 mo soo se tamaitiiti 6 masina le matua ma sili atu.

# Puipuiga o Aafiaga Umi o le COVID

O le auala sili mo puipuiga o aafiaga Umi o le COVID o le [puipuia lea o oe ma isi](#) mai le maua ai i le COVID-19. [O le fa'afouina o tui puipui o le COVID-19](#) e ofoina ai puipuiga sili mai aafiaga o le COVID-19 ma ma'i tigaina. E mafai foi ona e puipuia oe ma isi mai le COVID-19 e ala i le taumamao ese mai ma tagata ua fa'amaonia pe o masalomia le maua i ma'i o le COVID-19, fufulu ou lima pe fa'aaogā le sanitaisa e fufulu ai, fai le talifofoga i nofoaga tumutumu, fai siaki o le COVID-19 ma nofo i le fale pe a ma'i.

O loo iai tui puipui o le COVID-19 mo tamaiti ta'i 6 masina le matutua ma sili atu, ma ua fautuaina e le Centers for Disease Control and Prevention (CDC, Nofoaga 'Autū o le Puleaina ma Puipuiga o Fa'ama'i).

## Su'esu'ega i le Taimi nei

E iai le manatu o le au su'esu'e pe tusa ma le miliona tagata sa maua i aafiaga Umi o le COVID.

I le taimi nei, ua fa'amauina i su'esu'ega o tagata o loo lisiina mai e ono sili atu ona aafia i aafiaga Umi o le COVID na i lo isi:

- **Tagata e le'i faia ni tui puipui e tetee atu ai i le COVID-19**
- Tagata e mama'i tigaina i le COVID-19; aemaise i latou e mana'omia ai togafitiga i le falema'i
- Tagata e iai ma'i e maua ai
- Tagata sa iai aafiaga o ma'i fulafula o le tino (MIS) i le taimi na maua ai i le COVID-19 pe ina ua te'a aafiaga
- Tagata e tele taimi sa maua ai i le COVID-19

E ui ina atagia mai le lē taatele o aafiaga Umi o le COVID i le fanau iti ma tamaiti feololo e fa'atusa i tagata matutua, peita'i e umi se taimi e aafia ai le fanau iti ma tamaiti feololo i le tuana'i ai o le COVID-19.

O se [su'esu'ega lata mai](#) na fa'amauina ai le tataua i tagata e le'i faia ni tui puipui ona manatunatu e fai tui o le COVID-19 tusa pe sa maua i le fa'ama'i. Na latou maua ai o tagata e le'i faia tui puipui ua malolosi mai ma'i o le COVID-19 fa'atoa fai ai tui puipui e maualalo tulaga e maua ai i aafiaga Umi o le COVID.

# Fa'atalanoaina o Aafiaga Umi o le COVID ma Lau Tausi Soifua

E ono faigata le togafitia o aafiaga Umi o le COVID ona e le'o iai ni fa'amaumauga o ni su'esu'ega i falesu'esu'e mo lenei tulaga i le taimi nei. Afai ete manatu ua e ono maua i aafiaga Umi o le COVID, [sauniuni e fai se aso e vaai ai le foma'i](#) i lau auunaga tausii soifua talitoniua e ala i le faia o se lisi:

- Talaaga o lou soifua maloloina i le taimi nei ma aso ua te'a
- Fualaaui uma ma vai/sapilimeni o loo e inuina
- Āuga uma na amata ina ua e maua i le COVID-19 e aofia ai le taimi ma le aso na amata ai, pe faafia na tupu, o le a le mea ete manuia ai pe fa'atetele ai lou ma'i, ma pe fa'apefea ona aafia ai lou olaga
- Isi uma togafitiga ma siaki sa e faia e fesoota'i ma āuga ua e manatu na amata ina ua e maua i le COVID-19



[O aafiaga Umi o le COVID e mafai ona avea ma se ma'i tumau i lalo o le Americans with Disabilities Act \(Tulafono Fa'avae mo Tagata Amerika e iai Ma'i Tumau\)](#) pe afai ua limiti ai lou tomai e faia ai ni gaioiga, e pei o le vaai lelei o oe, savali, fesoota'i atu i isi, pe fai ni au galuega.

Mo le talosagaina o lenei tusi i se isi fa'atulagana, vili le 1-800-525-0127. Mo i latou e logonoa pe fa'aletonu le fa'alogo, fa'amolemole vili le 711 (Washington Relay) pe imeli le [doh.information@doh.wa.gov](mailto:doh.information@doh.wa.gov).



Sa'ili nofoaga o tūiga o le COVID-19 e latalata atu ia te oe i le [vaccines.gov](https://www.vaccines.gov)

E iai ni fesili?

Imeli:

[COVID.Vaccine@doh.wa.gov](mailto:COVID.Vaccine@doh.wa.gov)